

Timòtewù
tò Polò andí ɔyɔ rí kisě nǐ
bhàrɔwà
Yàrí bhàrɔwà ɔ ì nòtù
ádròdrǒ dhu tí dhu

Yàrí ní ɔyɔ rí kisě nǐ Polò andí Timòtewù tò bhàrɔwà. Kándí ka imbi ò ndì ndí'ì Romà tó kíḡò ò rórò (1.16-17), íkyèrǒ kàbhà ɔve-dhò ùbhà ndì rórò. Kǔni dhu ní inzà òtrò idho ǒ pbirì ǒ ádròdrǒ ale rǎrǐ ndàbhǔ àbhǔ kohò ndì Krístò ndì ndá'ù dhu-okú dǒ rò (4.6-7). Obhó tí, kóró kà t'ódhina náatsè, 'ùbhà ka atdíró. Pbétù Lukà, ádrùngbǎ mǎngangà kèlě atdíró ní ndì inzà ka nùbhà. Ní Polò ala dhu yà adzi ǒ ndì ndónzina idho rìku wà, ní ndì nùbhà dhu rǎrǐ ndì ndóvè dhu kèlě. Ndì dhu-okú dǒ rò ní ndì kǎzè ndàndí bhàrɔwà tdítǒ Timòtewù tò kà-afí ndì ndopé tí nǐ, idhùnà nyú tí kǎzè ka nídhunǐ. Yàrí bhàrɔwà-dzidǒ, Polò adè nzá ngǎtsi dhu àndi tdítǒ.

Ndì bhàrɔwà ǒ, Polò azè atdíǒ dhu ní'ì Timòtewù ràkǎ ndìrà tina ò, kà ràkǎ ndidè pòtsó pbìndà a'uta ǒ, yà ndì nyú ndì ndidè dhu bhěyi. Kǎvò dhu átò kà ràkǎ ndàmbe àrà dǒ angyi tí Yèsù bhà Ídzì Mǎkǔrù t'únòta nà, ìmbǎ kavu róná. Ndirò kǎti kà ràkǎ ndàndà nga mběyi yà ìnzǐ rí ndàkǒ Ídzì Mǎkǔrù nà dhu nà. Polò isé átò dhu ní ndàtì ndì rúgyè ìla, ndirò ì rǎrǐ 'òtù Ádrùngbǎle Yèsù nà inzà òtrò idho ǒ. Ní, Yèsù ná'ù ale ràkǎ ndònzì dhu ndì bhěyi.

Bhàrɔwà-nyìtì ka kóhù tí dhu

- Bhàrùwà-dòkpa (1.1-2).
- Pòlò rǐ Timòtewù àvǐ ìnzǐ nyìna rìwù Ídzi Màkùrù t'únòta-okú dò rò dhu (1.3-18).
- Pòlò rǐ Timòtewù àvǐ ràdi Yěsù Krístò bhà múnòwì kèlě tí dhu (2.1-13).
- Pòlò rǐ Timòtewù àvǐ rǐ'ì Kàgàwà bhà obhóná ɔte ùno rí otùna ǒ ìndrǔ tò ale tí dhu (2.14-26).
- Pòlò rǐ Timòtewù àvǐ ròdò ndì mběyi yà adzi ǒ dhu-tsù rǐ ndìndù ndínǐ ndodí tí ndì òná idho ǒ atdídhená ale í'íya nà nzéɛ mùtsɔ rǒ rò dhu (3.1-9).
- Pòlò rǐ Timòtewù àvǐ rǎngù pbìndà ófò-owù dhu ndirò ràpbǎ afína fíndà ndì ndúdhe Ìlǎ Andítá mànà rǒ dhu (3.10-4.8).
- Pòlò rǐ àkǎkǎ Timòtewù rǒnzì dhu rǐku dòná rò dhu òvo kà tò dhu (4.9-18).
- Pòlò rǐ ìndrǔ òvì bhàrùwà rǐku dòná rò ovita nǐ dhu (4.19-22).

Pòlò rǐ Timòtewù nóvì dhu

¹ Ima Pòlò, ima ní Yěsù Krístò bhà uvitátale, Kàgàwà óvò ima ndì kasu tò nídhunǐ. Kǐvì ima ndínǐ ma ɱovo tí Yěsù Krístò ka kà'ù rò ka kábàna ípìrǒngà tó làkǎ ìndrǔ tò.

² Timòtewù, ma mí yàrí bhàrùwà àndǐ indù. Ìnyi ní idhùdu a'uta-otù ǒ, atdídǒ ma mózè ale. Àlě t'Ábanà Kàgàwà mà, àlě tó Ádrùngbǎle Yěsù Krístò mànà náká 'ìtè fíyó ídzìngà indù, 'àbà izu dùnú, 'àdù nyabhù nyadi màrùngà ǒ.

Pòlò rǐ Timòtewù-afǐ àbhǔ ròtsì obi Kàgàwà bhà kasu tò dhu

(Kas 16.1-3; Èfè 1.3-7; 2Tè 2.13-15; 2Tì 2.1-12)

³ Ma màbhũ òtsò Kàgàwà tò okúnũ dò rò. Ma marí kà-kàsũ ònzi ìlìlǎ afídu nà, abhúdu náanzì ka dhu bhěyi. Bìlìnganà, adyíbhengá màtí ndirò kúbhingá màtí ma mí mìtsò rò, ma marí nzǐ àdi inzà ma màtì ɔvònu rórò. ⁴ Àlě kí àlě ùbhǎ rò nyi nyadzì tí dhu ma mìrè rò, atdyúdu rǐ'ì atdídǒ, àlě ràla àlě-ngbò tdítǒ, ndínǐ idhèdu ika tí ndì atdídǒ. ⁵ Ma mìrè kóró afínũ nyú nà nyi nyá'ù Ádrùngbǎle Kàgàwà tí dhu. Ndi a'uta ní yà angyinǎ rò íyànũ-tsánà Lòyisì mà, íyànũ Èwùníkè mànà ní'ì nà a'uta-tidò. Ní, ma mà'ù dhu nyi nyú mà, nyi rǎrǐ'ì inè ndi a'uta nà átò.

Ídzi Màkǔrù-okú dò rò ka kí àpbè àbà dhu

⁶ Wò dhu-okú dò rò ní ndi, ma mònzì nyi nyigbě nyunutsi arí'ì Kàgàwà bhà perè-ngbò. Ndi perè nyi nyabà yà ɔtsúdu ma muli dùnú nínaganí. Nyi nyàkǎ nyigbě kà-ngbò dhu ní, ⁷ Kàgàwà íbhò àlě tò Ìlìlǎ-Alafí ní nzǐ indrú àbhǔ rí rònzì ɔdo Alafí. Pbéù kǐbhò ní ádrùngbǎnga tó ɔbi tó, àzè tó, ndirò inga nòfò dhu bhěyi àlě kóko nǐ Alafí.

⁸ Nírò, nyi nyàkǎ nzà nyìnũ rìwù àlě tó Ádrùngbǎle Yèsù dǒ nyi nyí dhu àwě indrú tò rò, ndirò nyìnũ àkǎ nzà ndìwù okúdu dò rò, yà kókú dò rò ka kósò ma rò. Pbéù, nyi nyàkǎ nyabà àpbè Yèsù Krístò bhà Ídzi Màkǔrù-okú dò rò, àdhàdhì ma mí kàbà dhu bhěyi. Nyi nyí ì àpbè-dzi òndù Kàgàwà rǎbhǔna indù ádrùngbǎnga tó ɔbi nǐ. ⁹ Ka ní ndi àlě nígǔ, ndàdù àlě ùnzì ndínǐ àlě koko tí pbìndà ìlìlǎ ale tí. Kǒnzì ndi dhu, ìnzǐ ní ídzi dhu àlě kónzì dhu-okú dò rò. Pbéù kǒnzì

ka angyangyi ndì ndudhé ka, ndirò yà inzá ndì ndàpè yà adzi ònzi rórò ndì ndazè ndìtè pbìndà ídzìnga àlě tó Yěsù Krístò-otù ǒ dhu-okú dò rò. ¹⁰ Ndi ídzìnga Kàgàwà nítè wà àlě tó kòmbí, yà àlě tó Ɔgùba Yěsù Krístò nírà àhụ yà adzi ǒ rò. Kĩtò ƆƵe-Ɔbì, ndàdù dhòdhòdhóngà tó ípìrǒngà tó otu nítè ìndrù tò, Ídzì Mākūrù-otù ǒ.

¹¹ Ní, Kàgàwà ìlì ima ndi Ídzì Mākūrù t'únotatále tí, uvitatále tí, ndirò màlimò tí. ¹² Ndi dhu-okú dò rò ní ndi ma mí kākàrì àpè nábà. Pbéttù nyìdu rǐ nzǐ ìwụ ndi dhu-okú dò rò, ìwà ma m̀ni ma má'ù ale nídhunǐ. Ndirò, ma mà'ù wà dhu kà ràrǐ'ì ìnè Ɔbì nà ndòdò yà fudú ndì ndíbhò Ídzì Mākūrù tó kasụ, ràrà àhụ yà adzi ǒ ale-ànyá ndì ndítàya òná idho ò.

¹³ Nyi nyàkǎ nyalǎ yà indù ma múdhe obhónánga tó Ɔte, ndínǐ í'ì tí ídzì ǒfò tí indù. Nyi nyàkǎ nyòdò ndi Ɔte, yà Yěsù Krístò-nyutsì àlě kí'ì nà a'uta nà, ndirò àzè nà. ¹⁴ Nyi nyàkǎ nyòdò yà indù ka kúdhe ídzì dhu, yà àlě-afí ò rǐ'ì Ìlǐlǎ-Alafí bhà Ɔbì nǐ.

¹⁵ Nyi nyùnì wà dhu, Àziyà tó pbìrì ǒ Yěsù ná'ù ale rúbhà wà ma kóró. I ale nzínzi ǒ ale ní Figelò mà Hèrmògenè mànà. ¹⁶ Ádrùngbǎle Yěsù àkǎ ndìtè pbìndà ídzìnga Ɔnèsfòrò bhà idzá-bhà tó, kǎrà ndi afídu òpè rǒ, ndirò kà-nyì árà nzǐ ìwụ rǒ imbi ò ndì ndí malǎ rò nídhunǐ. ¹⁷ Pbéttù, Rómà tó kígò ò ndì ndìrà àhụ rò, kǒmè ima atdyúna nyú nà, ndàdù ma nála. ¹⁸ Ní, Ádrùngbǎle Yěsù àkǎ ndàbhụ àbadhi ràbà Kàgàwà bhà ídzìnga, yà adzi ǒ ale-ànyá ìtdì ndì ndí òná idho ǒ. Ndirò

inyi Timòtewǎ, nyi nyuni Efesò tó kigò ǒ kǒnzì idù kóró dhu mběyi nyú.

2

*Yēsù Krístò bhà ídzi múnowì bhà ǒfò
(Màt 10.32-33; 1Kò 9.24-25)*

¹ Nírò inyi, idhùdu Timòtewǎ, nyi nyàkǎ nyi'ì obi nà afínɛ ǒ, yà Yēsù Krístò mànà nyí nyúngbò nyí rò Kàgàwà arítèna indù ídzìngatò ǒ. ² Ndirò, nyi nyírì wà ibí ngàmbi-ònzì rò ma múdhe dhu. Ní nyi nyàkǎ nyudhe ka átò kóró yà nyi nyà'ù kífǎ rí dhu tí, 'àdù inè 'údhe ka átò ngǎkpà ale tò dhu tí ale tò.

³ Yēsù Krístò bhà ídzi múnowì bhěyi, nyi nyàkǎ nyondù àpbè-dzi átò, yà ma mí kòndù dhu bhěyi. ⁴ Múnowì-kàsǔ ònzì rí ale nákǎ nzá ndàbhɛ yà ìnzì rí múnowì-kàsǔ ònzì ale tó dhu ràtdǔ afína, ndì ndòzè kàsǔna rìka p̀b̀indà ádr̀ungb̀ǎle-idhè rò. ⁵ Ndi dhu bhěyi tí, mùlèma tó ikpa ikpa rí ale tò ka kí nzì àdù dhu lèma kònzì nǐ perè nábhu, inzà kifɛ ndi ikpa-tidò tó uyátá rò. ⁶ Ndirò, inga òbhi ndì ndí rò àpbè nàbà ale, nákǎ ndi ndàbà ndi inga ǒ 'ò'ò dhu angyi. ⁷ Timòtewǎ, nyi nyàkǎ nyirè nga mběyi wò indù ma múnò dhu dǒ, Ádr̀ungb̀ǎle Kàgàwà rǐ nyabhǔ nyuni i dhu kóró nídhuní.

⁸ Nyi nyàkǎ nyirè yà ndì ningbè ibhu ǒ rò Yēsù Krístò, Dàwudì-dhú bvǔ ale, àdhàdhì yà ma marúnɔna ìndr̀ù tò Kàgàwà bhà Ídzi M̀ak̀ur̀ù aróvɔna dhu bhěyi. ⁹ Ndi Ídzi M̀ak̀ur̀ù-okú dò rò ní ndi ma mí àpbè àbà, r̀ar̀à àhɛ ka kí mosò

nzére dhu ònzi arí ale bhěyi dhu ò. Pbétù, ka kí nzi àdù Kàgàwà bhà Ɔte nòsò. ¹⁰ Wò dhu-okú dò rò ní ndi ma mí kóró dhu-dzi òndù, Kàgàwà óvò fíndà ale-okú dò rò. Ndi dhu bhěyi ní ndi abádhí átò rádù ògù nába Yěsù Krístò-otù ǒ, 'àdù kàbhà dhòdhòdhóngà tó ádrùngbànga tó awáwù nába.

¹¹ Yàrí ní ndi àkàkà ka'ù Ɔte:

Àlě kapé ì'ì atdíkpá àlě kúve kà mànà dhu tí, ní àlě kokoya átò atdíkpá ípìrǒngà ǒ kà mànà.

¹² Àlě kapé àpbè-dzi òndù atdíkpá kà mànà, ní àlě konyuya idzi átò atdíkpá kà mànà.

Àlě kapé àtina inzà àlě rúni ka, ní kǎdùya àtìnà átò, inzà ndì rúni àlě.

¹³ Ìnzì àlě kapé Kàgàwà ùnò àlě tò dhu ònzi, ní àbadhi ní yà ndì ndùnò dhu ìfù arí ale. Obhó tí, àbadhi ní ìnzì rádù vurò dhu ònzi ndì ndùnò dhu rǒ rò ale.

*Kàgàwà-nyìkpó nòfò dhu ònzi arí kasutále
(1Tì 1.3-7,18-20; Yàk 5.19-20)*

¹⁴ Nyi nyàkà nyisè kǒkò indù ma múnò dhu ìndrù tò. Nyi nyàkà nyòvò dhu abádhí tò Kàgàwà-ònzì rò nyati, abádhí rākà nzà 'ònzì anya Ɔte-tì t'óngùta dǒ. Obhó tí, i agòta ò ka kábàna ídzìngà rǐ'ì ìmbǎ. Pbétù, kǎrí i dhu níri rí ale tó a'uta àbhù rùgolo ndì. ¹⁵ Nyi nyàkà nyònzì obi nyitè nyi Kàgàwà-ònzì iwà kùdhe, ndàdù à'ùnà àkàkà dhu tí ale tí, ndirò ìnzì nyìna rǐwù kàbhà kasu-okú dò rò ale tí. Nyi nyàkà nyitè nyi átò Kàgàwà bhà obhóná Ɔte ùnò rí otùna ǒ ìndrù tò ale tí. ¹⁶ Nyi nyàkà nyìndrì nyi itse nyú ìmbǎ tǐya nà, ndirò ìnzì rí Kàgàwà-òvò ìfù agòta rǒ rò.

Obhó tí, i dhu ònzi arí ale rǒngo òwu angyi tí ìnzá Kàgàwà ózè dhu t'ónzita ǒ. ¹⁷ Abádí-òtè rǒngo ìndrũ ìnza, àdhàdhì ìtritrè otú náarí ale-ngbò ìnzá dhu bhěyi. I ale nzínzi ǒ ale ní Himèneyò mà Fìletò nà. ¹⁸ Abádí ìndrĩ wà ì itse obhónga rǒ rò, 'àmbe àtìnà dǒ iwà Kàgàwà rúngbe àlě ibhu ò rò. Ndi dhu bhěyi ní ndi abádí arí atdídhená ale tó a'uta ìnzá. ¹⁹ Pbétù, Kàgàwà ódì tsùkpõna idza náaríde pótso pǒna dǒ. Ndirò, yàrí ní ndi kà-rǒ ka kándì ize tí dhu: «Ádrùngbǎle Kàgàwà únì wà pbìndà ale tí arí'ì ale.» Ndirò ngàtsi andítá ní: «Ádrùngbǎle Kàgàwà-òvò ilè rí ale, náká ndìndà ndì nzérenga rǒ rò.»

²⁰ Ádrùngbǎ idza ǒ ka kí nzì àdù orò mà, orú odziya nà ngǔkpà sùma-tidò mànà nǐ ka kóbhòlò wìtù kèlě nótù. Pbétù, ka kádù òtùnà átò ní, itsu nǐ màtí, ndirò anzi nǐ màtí ka kóbhòlò dhu. Angyinǎ rò rí'ì tsí nǐ ka karí kasu ònzi ifuta nà àkǎ idho ǒ, ndirò olùnǎ rò rí'ì tsí nǐ, ka karí kasu ònzi kóró ngǔkpà idho ǒ.

²¹ Nírò, ndi ale apé ndù'ò ndìlǎ Kàgàwà-nyìkpó ǒ kóró kǒkò ma múnò dhu ǒ rò, ní rǎdù ndìli ifuta nà àkǎ idho ǒ ka karí kasu ònzi nǐ wìtù bhěyi. Ndi wìtù ní yà idza-àbadhi ópì fìndà ndìli igi, kà dzùnà ònzi rǎdù, ndirò kà rǎdù idyinà ndònzì kóró ídzi kasu nǐ wìtù.

²² Nyì nyàkǎ nyòkù yà zàdhà-atdyú arí'ì dòyá nzére dhu-tsǔ rò, nyadù obhónánga ònzi nyì nyí dhu nónè. Nyì nyàkǎ nyí'ì a'uta nà, àzè nà, nyadù àdi màrùngà ǒ kǎkǎ ìlìlǎ afiyya nà arí 'ìtsò Ádrùngbǎle Kàgàwà rǒ ale mànà. ²³ Nyì nyàkǎ nyòdhò ìmbǎ tǐya nà ndirò ìmbǎ ídzi dhu mà arí'ì

òyà agòta. Nyi nyùni wà dhu, kà rarí anya ìbho. ²⁴ Obhó tí, Ádrùngbǎle Kàgàwà bhà ino rǐ nzi àdù anya ònzì. Pbétù kàkǎ ndì'ì ìyò arádi kóró ale màna ale tí, ndirò dhu ùdhe rádù ìndrù tò, ndàdù ìndrù tó dhu-dzi òndù ale tí. ²⁵ Kà rǎdù àrà dhu òvò rǒ ìyònga ò ndì ndúnona dhu àgò rí ale tò. Obhó tí, ngǎtsi nǐ Kàgàwà rǎdù abádhi àbhù rùgèrè ì 'ùbhà fiyó nzérénga, ndínǐ abádhi uní tí obhóngà. ²⁶ Ndi dhu bhèyi ní ndi abádhi rǐ 'àdù fiyó ídzì irèta ò, 'àdù ùvò yà ì átsi ònà Pfòmvo bhà àdà ò rò. Kǒtsì abádhi ndínǐ ongó tí ndì ndòzè dhu ònzì.

3

Ìndrù rǎbàna tdǔ Yèsù ingo rò àpbè
(Tit 1.10-16; 2Pé 2.1-22; Yud 1-3)

¹ Timòtewǎ, nyi nyàkǎ nyuni dhu, tdǔ Yèsù ingo yà adzi ò rò, ìndrù rǎda òyá idho* rarǐ àpbè tó. ² Obhó tí, ndi kàsùmì ò, ìndrù rǒngo a'ítale tí, ndirò fùrangà nózè ale tí. Abádhi rǒngo ì tírò arí 'ìfǔ ale tí, ndirò 'ìdzǐ arí ale tí. Abádhi rǒngo átò Kàgàwà nǐ arí dhu unò ale tí, ndirò ìnzǐ arí ì nódhì ale-tsǔ dhu ìrì ale tí. Abádhi rǒngo ìnzǐ arí òtsò àbhǔ ale tí, ndirò ìnzǐ arí Kàgàwà ìfǔ ale tí. ³ Abádhi rǒngo ìmbǎ arí'ì àzè nà atdí ale nà màtí ale tí, ndirò ìnzǐ arí dhu ùba ìndrù tò ale tí. Abádhi rǒngo ìndrù ùdhǔ arí, ndirò ìmbǎ itsína arí nzére dhu ònzi ale tí. Abádhi rǒngo òròrù ale, ndirò ídzì dhu nóndrò ale tí. ⁴ Abádhi rǒngo

* **3:1** 3.1 Tdǔ Yèsù ingo yà adzi ò rò, ìndrù rǎda òyá idho tí Polò rǎtina ní yà Yèsù írà wemberè tí yà adzi ò dhu-dzidò rò ndì nópè idho, rǎrà àhù kà rǐngo ònà idho ò.

odhíya ìpfõ arí 'àbhũ òmvũ tò ale tí, ndirò inzà 'irè nga rórò arí dhu ònzi ale tí. Abádhí rǒngo 'idzĩ arí ale tí, ndirò yà adzi ǒ arí ìndrũ-idhè ìkǎ nzéε dhu-tidò nózè Kàgàwà òzè 'àmbènà rò ale tí. ⁵ Abádhí rĩ 'ùlĩ Kàgàwà ózè dhu ònzi arí ale bhěyi, pbétù ìnzĩ 'àdù Kàgàwà ózè dhu tó ádrùngbǎnga tó òbi ná'ù. Ní nyi nyàkǎ nyindà nyi i ale rǒ rò.

⁶ Obhó tí, abádhí nzínzi ǒ atdídhena ale rǒwu ùtsũ rǒ ìndrũ-idzà ò, 'àdù ivíví fíyó irèta nà vèbhále nótsì fíyó àdà ò. I vèbhále ní kǎkǎ atdíđǒ fíyó nzérenga-òbì ósè, ndirò yà adzi đǒ kóró dhu-tidò-atdyú òho arí. ⁷ Abádhí òzè kudhe dhu fíyò bilínganà, pbétù ìnzĩ 'àdù òwu ùvò obhóngà núnĩ ì 'í akekpá màtí dhu ò. ⁸ Kǒkò ìndrũ-dzà ò rǒwu ùtsũ rǒ màlímó rǒwu 'àgò rǒ obhóngà nà àdhàdhì Yǎnì mà Yàmburè mànà náagò ì Músà nà dhu bhěyi. Abádhí ní iwà fíyó irèta ínza ì, ndirò iwà fíyó a'uta óngò ivíví ale. ⁹ Pbétù abádhí rĩ nzĩ òndri angyi tdítđǒ, kóró ale rĩ abádhí rǒnzina àrĩ núnĩ, àdhàdhì ka kuni Yǎnì mà Yàmburè† mànà rǒnzina àrĩ dhu bhěyi nídhunĩ.

Pòlò rĩ Timòtewù àvĩ ràpǎ afina fíndà ka kúdhe dhu rǒ dhu

¹⁰ Pbétù inyi Timòtewũ, nyi nyírì wà ìndrũ tò ma múdhèna dhu, ndirò nyi nyála wà ma mí'ì nà màtso. Nyi nyúni wà ma múdhe ndínì ma mǒnzi

† **3:9** 3.9 Yǎnì mà, Yàmburè mànà ní Mísri tó pbiri ǒ ì'ì màzì tó óyǒ ale-òvò. Abádhí anzi títò tó wiwì Músà mà, Fàrawù mànà ònzĩ. Ndi Fàrawù ní'ì Mísri tó pbiri ǒ ádrùngbǎ kamà (Uvt 7.11-22; 8.7-19).

tí dhu, nyadù pbàkà a'uta àla. Nyi nyála wà ma mómndù dhu-dzi tí dhu, ma mí'ì àzè nà tí dhu, ndirò ma mápǎ afídu pbàkà kasu t'ónzita rǒ tí dhu. ¹¹ Nyi nyúni wà rùdú ka kávu tí, ndirò ma mábà àpbè tí Àtìyòkiyà mà, Ìkòniyò mà, Lístrà mà nà tó kigò ǒ dhu. Ma mábà ì àpbè, pbétù Ádrungbǎle Yèsù ràdù mìgu òyá rò kóró. ¹² Obhó tí, yà Kàgàwà ózè dhu bhěyi ì nózè 'òkò Yèsù Krístò nà ì úngbò ì dhu-otù ǒ kóró ale-rǒ ka kávu àvù. ¹³ Pbétù, nzére dhu ònzi arí ale mà, ìndrǔ ùtrǎ arí ale mà nà rǒko 'àmbe òwu dǒ angyi tí ì nzére dhu t'ónzita ǒ. Abádhí rǐ ìndrǔ ùtrǎ, ìndrǔ ràdù 'ùtra átò.

¹⁴ Pbétù inyi, nyi nyàkǎ nyapǎ nyi yà indù ka kúdhe, ndirò yà nyi nyá'ù obhó dhu tí dhu rǒ. Obhó tí, nyi nyèni wà ì dhu núdhe indù ale. ¹⁵ Ndirò, ròpè ndi indú ngbángba ò rò, nyi nyúni wà Kàgàwà bhà Ìlǐlǎ Andítá. Ì Andítá rǐ nyabhǔ nyèni dhu-ònga t'òvòta, ndíni nyadù tí ògù Yèsù Krístò nyi nyá'ù dhu-otù ǒ. ¹⁶ Kàgàwà unda ndi kóró pbìndà Andítá nandí ale. Ndirò, ndi Andítá tó ídzìnga ní: ndùdhe obhó dhu ìndrǔ tò, ndàdù ìndrǔ bhà afátá nítè ndi ale tò. Kà rǐ nzére dhu òsò ìndrǔ tò, ndàdù Kàgàwà ózè dhu bhěyi ka kóko dhu ùdhe ìndrǔ tò átò. ¹⁷ Ndi dhu bhěyi ní ndi, Kàgàwà rǐ pbìndà dhu tí rǐ'ì ale ònzi, rǐ'ì dòtsí ndi nóbhòlò kóró ídzi kasu t'ónzita tò ale tí.

4

Kàgàwà bhà Ɔte t'únɔta dǒ uyátá

¹ Ma mí dhu ùyǎ indù Kàgàwà-ònzǐ rò, ndirò Yēsù Krístò-ònzǐ rò. Ndi Yēsù Krístò ní ndi ípìrò rò rí 'òtù ale mà, ùvǔvè ale màná ànyǎ nitdìya, yà adzi ǒ ndi ndírà, ndàdù pbìndà Ádrùngbǎnga tó idzi ìdì rò. ² Ma múyǎna dhu ní: Nyi rākǎ nyongò Kàgàwà bhà Ɔte ùnò indrǔ tò. Nyi nyākǎ nyongò kùnò bilínganà, àkǎkǎ kàsùmì ǒ, ndirò inzǎ àkǎ kàsùmì ǒ màtí. Indrǔ tò nyi nyí dhu ùdhě rò, nyi nyākǎ nyongò indrǔ bhà afátá nítè ndi ale tò, nyadù òrù nzére dhu nònzì ale dǒ. Nyi nyākǎ nyongò dhu òvò indrǔ tò rònzì idzi dhu. Ndirò, nyi nyākǎ nyongò i dhu ònzì indrǔ tó dhu-dzi òndù nyi nyí rórò. ³ Obhó tí, kàsùmì í'íya inè yà indrǔ rǐ 'ùvǒ ìnzǐ 'ìrì fǐyò ka kúdhěna obhónánga tó Ɔte òná. Pbétù abádhí owuya ì 'í atdyúna òho dhu ònzì rǒ, 'àdù bǐya nòfò dhu ùdhě rí fǐyò màlímó-tsù nándù. ⁴ Abádhí owuya 'ùvo rǒ ìnzǐ ìrì obhónánga tó Ɔte, 'àdù 'òzè 'ìrì títò tó imbe kèlě. ⁵ Pbétù inyi, nyi nyākǎ nyotò afínù kóró dhu ǒ, nyadù àpbè-dzi nóndù. Nyi nyākǎ nyunò Yēsù Krístò bhà Ídzi Màkǔrù, nyadù funú Kàgàwà ábhù ngǔkpà kasu ònzì mběyi kóró.

Pɔlò rǐ ndi ndóvè dhu nóvò dhu

⁶ Ima nàndà dhu nǐ, ma mà'ù wà mabhù pbàkà ípìrǒnga Kàgàwà tò kà-nyìkpó nòfò perè tí. Ndirò, ma móvè òná kàsùmì nínndù wà ndi. ⁷ Ma mùgyè idzi ìla. Ma mùtsà wà pbàkà ɔngù. Ma móddò pbàkà a'uta. ⁸ Ròpè ndi kòmbí, ka kili wà mùlèmà tó mùkàkú idù. Ndi mùkàkú ní obhónánga ònzì arí ale tó, yà obhónánga dǒ arí indrǔ-ànyǎ ìtdì Ádrùngbǎle níibhoya idù,

yà adzi ǒ ale-ànyă ìtdì ndì ndí nínɡaní. Ndirò, kǐbhoya nzǐ ka idù tí, pbétù kǐbhòya ka átò kóró ale tò. † ale ní kákà kà rǐngo dhu nózè 'àla ale.

Pòlò òzè Timòtewù rìrà tina ò dhu

⁹ Timòtewù, ónzì obi nyirà tsàkàtsàkà tidu ò. ¹⁰ Obhó tí, Dǐmà núbhà wà ima atdíró, yà kòmbí arí adzi ǒ dhu ndì ndóze dhu-okú dò rò. Ní, kàrà wà Tèsàlònikà tó kigò ò. Ndirò, Krěskè àrà wà Gálàtiyà tó pbìrì ò, Titò ràdù àrà Dàlmàtiyà tó pbìrì ò. ¹¹ Ní, Lukà rǐ'ì atdíró tí tidú. Nírò, ìdyì Mǎrkò nyíwù mànà àzú, kà rǐ dzùnàdu ónzì ónzì abho Kàgàwà bhà kasu ǒ nídhunǐ. ¹² Ma móvì Dòkíkò ràrà Èfesò tó kigò ò. ¹³ Ní, àzú nyi nyirà rò, ìdyì nyídyì yà Kárpò bhà ma múbhà Tròwà tó kigò ò rùdú orú mǐdzarù nyirà nà. Ìrà nyirà pbàkà bhùkù nà átò, ròsè dòtsí ní yà ìzǎ-ndì nǐ ka kóbhòlò, kadù ùkpòrònà bhùkù.

¹⁴ Àlìsandurù, kyèkyè-àba, nónzì nzére dhu abho nyú rùdú. Ní Ádrùngbǎle Yèsù rǐ ndi àbadhi ùbhò rùdú kónzì dhu-bvu rǒ. ¹⁵ Nyi nyàkǎ nyodò nyi kà rǒrò átò, kǎgò àlě kúdhe dhu obi nyú nà nídhunǐ.

¹⁶ Wemberè tí ma mǎrà anya ùnò nínɡaní, atdí ale mà níde nzá dzidu dǒ. Pbétù, kóró ale úbhà ma. Ní, Kàgàwà àkǎ nzá ndòzù ndi dhu afátá tí abádhí dǒ. ¹⁷ Pbétù, Ádrùngbǎle Yèsù ónzì ndi dzùnàdu ndìbhò obi idù, ndínǐ ma muno tí pbìndà Ídzì Mákùrù marà ùtsànà, kóró ìnzǐ ní Pbàyàhúdì mà ràdù ìrìnà. Ndirò, kǐpfo ima àrì-li'ò rò. ¹⁸ Ádrùngbǎle Yèsù rǐ mipfǒ kóró nzére dhu ǒ rò, ndàdù mìgù ndàbhù ma motsù pbìndà

Ádrùngbǎnga tó idzi ò òrù-akpà ò. Kàkǎ ilèta nà dhòdhóhóngà nà! Àmìnà.

Bhàrwà rǐku dòná rò ovita

¹⁹ Òvì nyóvì Pèrèsílà mà Àkilà nà, ndírò Ònèsfòrò bhà idzá-bhà mànà. ²⁰ Rǎstò òdì wà Kòritò tó kigò ò. Ndirò, ma màbhà Tròfímò Miletò tó kigò ò, andi nà kà rǐ'ì dhu-okú dò rò. ²¹ Nyì nyàkǎ nyonzì obi, nyirà àhwa àzú angyinǎ rò ádrùngbǎ girì tó kàsùmì tò.

Èyùbulò mà, Pudè mà, Linò mà, Klòdiyà mà, Yèsù ná'ù àlě t'ádóna mànà kóró, nóvì nyì atdíđó.

²² Ádrùngbǎle àkǎ ndì'ì nyì nà! Kàkǎ ndìtè pbìndà ídzìnga fǔkù!

Ungbòta-Ɖwátá Tó Bhǔkù

Ndrǔna: Ungbòta-Ɖwátá Tó Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngit)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 22 Feb 2024 from source files dated 29 Jan 2022

abb6c630-aaf1-5647-8172-605215e8fe12